

太上九天延祥滌厄四聖妙經 共

啓請呪

仰啓北方四元帥 束縛羣魔大聖尊  
披頭仗劍偉形容 百萬天兵常擁護  
天蓬天猷除兇惡 翊聖真武賜吉祥

臣今伏願降靈壇 一切災厄自消散

至心皈命禮六龍陛下九虎關中現三頭六臂之威容運七政八靈之洪造帝鐘繞震萬聖齊臨鉞斧輕揮羣魔碎滅神光赫赫常救護於衆生真性巍巍誓永與於正道虜尸千里斬鬼五形大悲大願大聖大慈通天祈祐延祥滌厄保寧身命北極天蓬八十一軍大元帥護國消魔真君證果法雲普覆天尊至心皈命禮妙有天中通明殿右領天罡之次帥列下土之諸侯憫凡庸迷謬以喪真仰聖相大光而作序讚演諸天之隱顯述數大梵之仙章俯憐崇奉之誠大賜護持之力雲隨步履海遶身流大悲大願大聖大慈通天祈祐延祥滌厄滋育身命北極天猷大元帥普化天帝證果冲和應善天尊

至心皈命禮帝闡功成天庭位列總三洞五雷之號今掌八天九地之權衡懲造化之樞機儻真仙之將吏無邪不斬何鬼敢當攝大力之妖魔逐流星之芒恠光華日月威震乾坤大悲大願大聖大慈通天祈祐延祥滌厄

護持身命北極翊聖黑殺大元帥儲慶保德真君證果遊行三界天尊

至心皈命禮虛危分宿壬癸孕靈化身自金闕之尊居位極玉虛之奧玄妙極至奚止於輔正除邪正一所生豈但於消魔護國保劫終而制劫始護羣品而掌羣仙勇果全才威神備德大悲大願大聖大慈通天祈祐延祥滌厄安和身命北極佑聖真武大元帥玄天元聖仁威上帝金闕化身證果終劫濟苦天尊

至心皈命禮始青天之最上天清都闕之真妙闕承五色光明之洞照一會罕逢聽九天延祥之玄機四真可仗喜遇金方之皇老重啓塵世之業因幸天尊垂示以符文對衆登重付以秘呪開大地祈祥之便路彰大玄有

感之赫靈何災不滅何福不臻依願而行依誠而應大悲大願大聖大慈靈臺會上滌厄品中十方上聖諸天帝君三官五帝日月諸星北斗南辰真人神仙至真大聖九天丈人天曹列聖生日本命運限星辰四聖部中靈

童力士神王猛將北方兵從法籙威神懋濟主宰祀典神祇經筵鑒證一切真靈伏願慈忱上達聖駕俯臨滅災錄善而所啓所從誠善衛生而作威作福願與諸舍生一心皈命禮

開經玄蘊呪

天地真元象 人間道德尊 天文書八角 悟者釋邪根 勲意通丹闕 虔心達紫清 祥煙森八極 瑞靄布仙京 渺渺三乘理 明明一性存 今思最上法 願得出迷津  
太上九天延祥滌厄四聖妙經 爾時  
元始天尊在始青天中玉都之闕靈臺之上 放五色光明色色俱異洞照內外皆使朗徹 大會十方諸天日月星宿三官四聖北斗南

辰真人神仙至真大神四維上下歡濟主宰  
無執數衆說無為妙道金光射日紫霧盈身  
法雨遍施靈風普扇金童執節玉女捧香鸞  
鳳交鳴妃后奏樂座前土木百精皆聽思議  
是時座下有一天君號曰西方白帝七炁天  
君執簡長跪上白

天尊曰臣觀世間人處牢籠種種不同或有  
衣之錦繡食之珍羞金殿玉堂雕梁峻宇或  
有朝丐暮覓服靈殘軀神廟依棲窳身無地  
或有雖生人道偃僂瘡癩人皆憎嫌寒餓困  
窮首聾啞啞手攣脚跛身不具足或為下賤  
答捷苦楚萬種千辛無門可告或有恃上逼  
下以強凌弱末審此因緣何若是小臣未曉  
伏願

天顏不捨大開妙義以明未悟以解無知  
天尊言善哉白帝發問斯由復坐存真吾為  
汝說夫人者誕育塵寰戴天履地自幼至老  
自壯及衰喜名利之華樂生生之厚馳逞不  
息豈顧危亡陷溺賢良任為三業起造六根  
竟生六根既與九結為禍是故有身即有累

有累即有業有業即有報既知有報全在修  
持生諸省悟且衆生之果貧窮下賤宿業相  
成富貴榮華前生所積善惡昭昭二徑羣迷  
任向一途善者當有善報惡者乃處惡根過  
去今生如斯是理天君再問人生或有疾病

困萬年命災衰邪鬼來侵妖魔作害以何善  
利可以驅除答曰世人不知己身如風如燭  
幻化浮生念念因循豈可久長爭財競實利  
已損他口是心非恣情嫉妬故使妖魔作害  
無可依投致得橫傷枉遭諸苦吾家自有四  
將當為至誠密念其文無所不應天君曰四  
將是何惟願

慈尊明書其跡  
天尊曰北方自有天蓬天猷翊聖真武統領  
天兵驅遣將吏如有急難可以注念自降神  
威隨念而至靈光赫赫殺氣巍巍魔鬼潛形  
精邪伏匿一切災殃盡皆消滅爾時  
天尊慈念衆生即說通天析祐延祥滌厄四  
聖神呪

天蓬呪曰

天蓬天蓬	九玄殺童	五丁都司
高刀北翁	七政八靈	太上皓咒
長顧巨獸	手把帝鐘	素菓三神
嚴駕變龍	威劍神王	斬邪滅蹤
紫氣乘天	丹霞赫衛	吞魔食鬼
橫身飲風	蒼舌綠齒	四目老翁
天丁力士	威南禦凶	天駒激戾
威北衝鋒	三十萬兵	衛我九重
劈尸千里	祛却不祥	敢有小鬼
欲來見狀	鑿天大斧	斬鬼五形
炎帝烈血	北斗然骨	四明破骸
天猷滅類	神刀一下	萬鬼自潰
急急如律令		
天猷呪曰		
天猷天猷	位列諸侯	上佐北帝
下臨九州	肩生四臂	項長三頭
身披金甲	手執戈矛	雲隨步發
海運身流	紅光杳杳	紫氣悠悠
雄風變鼓	猛霧騰騰	真氣宛轉
星斗四周	千神自朝	五嶽巡遊

金童鼓吹 玉女歌詠 名列金闕  
 位鎮艷幽 蒼禽獅子 巨海蛟虬  
 三十萬兵 從我周遊 逢妖即斬  
 遇鬼皆收 人遭允善 崇遇無休  
 降臨福氣 滌蕩無憂 無知小鬼  
 敢有遲留 吾目一視 永作泉囚  
 急急如律令


黑殺呪曰  
 北方黑帝 太微六甲 五帝靈君  
 光華日月 威震乾坤 走符攝錄  
 絕斷鬼門 行神布氣 攝除五瘟  
 左右吏兵 三五將軍 雷公霹靂  
 電激風奔 刀劍如雨 隊仗如雲  
 手把帝鐘 頭戴崑崙 行遶天下  
 搜捉鬼神 九州社令 血食之兵  
 不許拒逆 敢有張鱗 鎮星縛手  
 北斗收魂 三台七星 持劍斬身  
 罪不重考 殃及子孫 邪精魘魘  
 耳不得聞 聞吾呪者 頭破腦裂  
 碎如微塵 急急如律令

真武神呪  
 乾元有將 頂戴三台 披髮圓象  
 真武威靈 助吾大道 龜蛇合形  
 身如山嶽 四氣朗清 金光赫赫  
 努目光明 牙如劍樹 手執七星  
 天魔外道 鬼魅妖精 見吾為血  
 化作紫塵 魁罡正氣 是吾本身  
 天符通現 大保乾坤 江河淮濟  
 五嶽之神 城隍社令 拱聽吾命  
 指揮綱紀 敢有攝停 上帝有勅  
 救護羣生 敢有小鬼 捉縛來呈  
 急急如律令


天尊再言曰衆生處於三毒十惡之世常被  
 諸魘魘精魅惡鬼邪神毒蟲猛獸刀兵水火  
 桎械牢獄疾病苦痛一一纏染不能自安吾  
 先曾出妙法普度衆生以符圖神呪付諸法  
 學及三天大魔王分布人間救護一切今得  
 自然凡夫破齋犯戒違天負地不識因緣不  
 知善惡不親聖教不近仙宗漸入邪風隨諸  
 煩惱明明造惡密密故為恣縱身心損傷物

命天道不遠如鑑如水一一無差是故毒風  
 惡氣六天魔鬼遍滿人間流行殺伐中害死  
 傷日夜萬計不可稱量吾遣諸天十極神王  
 下降人間廣行救度拯濟衆生今得清吉人  
 豈知之今後世人若能投承大道篤敬真宗  
 謝過祈恩穰災益算無門可解或新蓋宅宇  
 動土興工犯觸禁方當於中庭燃燈七盞備  
 時新五菓燒種種名香至心望北念經朱書  
 四聖靈符貼於舍內四隅自獲禎祥四天帝  
 王四聖元帥來下扶護此之妙典所穰者伏  
 所求者應所陳者達所啓者從四聖真君應  
 號真符


第一北極天蓬大元帥延祥滌厄保寧身  
 命



第二北極天獸副元帥延祥滌厄滋育身命



第三朔聖儲慶保德真君延祥滌厄護持身命



第四北極佑聖真武真君延祥滌厄安和身命



天尊曰此四聖名號經呪其功甚大若過年災月厄當面北焚香存神靜慮至心禮念皆得消散或過身多疾病服藥不痊亦當面北存神靜慮至心禮念自然清肅或過蝗蟲作害早滌為災亦當面北存神靜慮至心禮念

自然平寧或遇災厄相纏不能解釋亦當面北存神靜慮至心禮念自然清吉或為邪精為依侵害損傷亦當面北存神靜慮至心禮念自然驅除或過宅宇不寧財物耗散亦當面北存神靜慮至心禮念自然康寧或過身

遭牢獄酷受苦刑亦當面北存神靜慮至心禮念自然天仙兵馬四聖將軍保護其身此經乃吾家隱秘之文上帝幽玄之典若過本命生辰及諸齋日清靜身心或為父母或為兄弟或為己身或為骨肉或自禮念或請正

一道士或三或五或七以至四十九負當於聖前至心轉誦亦有靈童力士神王猛將北方兵從依願而行依誠而應爾時天尊即說四聖都呪曰

北方有將 上帝靈尊 披頭仗劍  
主管四維 天上地下 咸使聞知  
刀劍如兩 器仗光輝 逢魔即殺  
見善令歸 若遇凶災 至心轉持  
飛戈擲火 上徹紫微 身命之官  
有厄相隨 急難為吉 日月並齊

今時即念 得獲慈悲 三五將軍

保護吾身 金光靄靄 霹靂轟轟

逆吾者死 避之者生 內外家眷

得保清寧 天罡魁星 三十萬兵

毒龍猛獸 巨海金精 貪狼巨門

祿存文曲 武曲廉貞 左輔右弼


斬邪破軍 真光速到 萬鬼潛形

急攝急攝 不得久停 合門昌吉

昇入無形 急急一如

太上混元皇帝律令

黃紙朱書四聖都符佩帶則無不應驗



道言四聖元帥永鎮玉帝殿下統攝三界妖邪每歲常乃降於人間察人善功賜人昌吉保持帝祚履歷奉速斷絕惡根增延祿壽若世人精專嚴潔禮念若一遍保鍊形骸誦之二遍得獲清寧福之三遍內外安和誦之四

遍神兵自護誦之五遍魔鬼遠潛誦之六遍  
 身絕痛苦誦之七遍得見真光誦之百遍三  
 界保舉誦之十遍永親禧祥誦之萬遍身處  
 仙宮與道合同斯文為修行之徑路作進道  
 之梯航內能保煉其真外可屏除其業靜中  
 觀靜玄中又玄於是諸天仙聖得聞妙義得  
 獲真篇踴躍歡欣喜不可計天君進前作禮  
 上謝

天尊而獻頌曰

至道尊元 包育諸天 本寧本靜

乃聖乃仙 抱黃回紫 出青入玄

天尊悲慈 開演真篇 妙理希夷

上坤下乾 匪彫匪斲 弗黨弗偏

體而用之 身登大千 元罡萬化

播運機權 無為無礙 處乎湛然

今獲靈文 上聖親言 若悟之者

浩劫綿綿 壽齡遐速 福祿長堅

得處清靜 永向道前

天尊告諸天仙曰我等誓願流傳此經若人  
 誠心堅懇即使災消福降永得仙真護持子

孫不絕世世生親  
 天尊前諸聖說經已竟受得妙法迴車乘鶴  
 鳳輦雲駟拜謝  
 天尊奉辭而退

太上九天延祥滌厄四聖妙經



元始天尊說北方真武妙經

其七

仰啓呪

仰啓玄天大聖者 北方壬癸至靈神

金闕真尊應化身 無上將軍號真武

威容赫奕太陰君 列宿虛危分秀炁

雙睛掣電伏羣魔 萬騎如雲威九地

紫袍金帶佩神鋒 蒼龜巨蛇捧聖足

六丁玉女左右隨 八殺將軍前後衛

消災降福不思議 歸命一心今奉禮

爾時

元始天尊於龍漢元年七月十五日於八景

天宮上元之殿安祥五雲之座與三十六天

帝十極真人無量飛天大神玉童玉女侍衛

左右一時同會鼓動法音天樂自響大眾欣

然咸聽

天尊說無上至真妙法是時上元天宮東北

方大震七聲天門忽開下觀世界乃有黑毒

血光穢雜之氣幽冥冥從人間東北方直

上衝天盤結不散大眾咸驚默然不敢議問

時會中有一真人名曰妙行威德充備諸天